

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

**XLIX.**

[urn:nbn:de:bsz:31-122751](#)

A. 1595.

P A R S S E X T A

737

Confessio D. Huberi, Ursellis nuper typis demandata, certè monstrì aliquid  
alit, & ad movendas in Ecclesiis turbas, præclaras occasionses suppeditat.  
Dum enim imprudentiores, inque hac controversia minus exercitari, Con-  
fessionem illam simpliciter accipiunt, in qua profectò rectius ille sentit, quām  
loquitur, neque inter dilectionem, vocationem & Electionem distinguere di-  
cierunt, sit, ut plerique in Huberi sententiam, pedibus quod ajunt, concedant,  
injustè ipsum damnatum clamitent, Ecclesiæ Misnicae, earumque Doctores,  
gravi omnino præjudicio onerent. Cujus rei ~~accusationem~~ quædam, apud  
nonnullos Reipub. nostræ Advocatos, viros alioqui clarissimos, non sine dolo-  
re videre necesse habui, qui sola illa Confessione moti, ita mordicus causam  
Huberianam defendendam suscepserunt, ut in ipsius sententiam quasi jussæ  
videantur. Controversia Fischeriana quo jam utatur fidere non constat:  
Spero autem me brevi, de utraque Controversia prolixas satis & copias ac-  
cepturum literas, quarum argumentum proxima occasione, volente DO-  
MINO, communicabo. Benè vale, Reverende & clarissime D. Doctor, Ami-  
ce plurimum & amande & colende, & me, quod facis, amare perge. Scripti  
Ulmæ, 5. Maii, 1595.

R. d. 1.

ob servantiſſ.

L. Hutterus, D.

Ornatiss. M. Ludovicum Episcopum, meis verbis peramanter salvere ju-  
beo, literarumque intermissioni ut ignoscat, etiam atque etiam rogo. Nam do-  
loribus capitis nondum remittentibus, pluris mihi ipsi facessere negotii, mi-  
nus consultum existimavi.



XLIX.

Sal. in Servatore Christo, Reverende & clarissime D.

Doctor, Domine, compater & frater honorande.

R Emmito tibi epistolam Huberianam, ad quam, quæ respondisti, perplacent mihi  
omnia, planeque eis subscrivo, nec quicquam mutandum aut demendum exi-  
stimo. Velle tamen, nisi molestum tibi esset, hæc etiam sequentia addi: 1. descri-  
men perspicuum inter dogma Calvinianorum, tum de particularitate Electionis,  
tum de prævisione Fidei, & nostram de iisdem sententiam: ubi etiam testimonia duo

Ccccc 3

Rom.

Rom. 8, 29. & 1. Pet. 1, 2. à corruptelis Huberianis breviter possent vindicari. 2. disserimen item sententia Pelagianorum & nostræ: ubi etiam Antiquitatis aliqua posse sent citari testimonia pro nostra sententia, maximè Augustini & Prosperi. 3. Utile etiam fortassis esset Hubero ostendti, quod opinio ipsius non modò cum S. literis, Antiquitate, & Formula Concordie, sed etiam cum doctrina Lutheri ex diametro pugnet; in quam sententiam puro extare satis perspicua testimonia in Commentariis in Genesin. 4. Quod verò conqueritur, falso sibi ab Adversariis impingi Electionem, quæ sua universalitate, nullis consideratis mediis, quibus ad finem Electionis perveniri oporteat, omnes homines corripiat in cœlum, facile demonstrari meo quidem judicio potest, hoc ex ipsius sententia necessariò consequi. Aperte enim distinguit Electionem seu Prædestinationem ipsam, à Fine, seu consecutione vitæ; & huic quidem quam tamen particularē facit, Media conjungit, ab illa autem planè separat. Quanquam postea sibi ipsi manifestè contradicens fatetur, eos qui ad vitam non sunt prædestinati, neque ad Fidem neque ad Media esse prædestinatos: unde per conversionem simplicem sequitur, Prædestinatos ad vitam, ad Fidem quoque & ad Media prædestinatos esse. Si igitur omnes ad vitam prædestinati sunt, ut ipse vult, erunt etiam omnes ad Fidem & ad Media prædestinati, atque ita rursus ipsius opinio curruet, omnesque homines in cœlum nescio quod corripiet. Sed nihil opus est hæc ad te scribi prolixius; gratias tibi, reverende D. Compater, maximas ago, quod & respondere D. Hubero tam diligenter, & quæ responsa à te sunt, communicare mecum tam amicè volueris. De cæteris propediem, & spero coram omnino enim adventum vestrum expectamus. Benè in Christo Servatore cum omnibus tuis & nostris vale, & sal. officiosiss. D. Collegis omnibus & singulis dico. Raptum ad confluentes Griesbachii & Renchæ, 4. Augusti, 1595.

Rey. Dign. tua

studioſis. Compater

Joh. Pappus, D.

L.

*Salutem in Domino. Reverende & clarissime Domine Doctore, amice & fratre in Domino plurimum honorande.*

**A**nno 1595 tuum mense Aprili, mox ubi acceperam, Illusterrimo principi, Philippo Ludovico Palatino, Domino meo clementissimo humiliter obtuli. Cujus Celsitas suo nomine clementer responderi, & quatuor illos aureos, quos inclusos reperies